

Xajon ra tsikínda jè Pablo ra isìkasén-la jè Tito

Kó'sín síhixo'ta Pablo jè Tito

1 ¹Añ Pablo, ra chí'nda-la Nainá ma. Tì'koaá 'aán tsikíxáya-na Jesucristo mé-ni nga kokjiín-la a'ta 'tse jñà xitá ra xá jè Nainá tsjahíjin-ni, tì'koa ské ra kjohixi nga koma-la skexkón Nainá. ²'Koaá 'sín koma tà ngatjì-la nga tjíjngo ikon nga inchikoñá-la nga 'se-la kjobinachon inìma-la nita mé nichjin-nioo, koni 'sín ijye kitsjà tsa'ba Nainá skanda 'kia nga tikjè sinda isà'nde. Nainá mì tsa 'én ndiso chja. ³'Kia nga ijye ijchò nichjin, Nainá ra bachrjekàjin-ná kjohi'in isikatsíjeén 'én-la a'ta 'tse 'én nda-la Cristo ra ko'sín chjàya ko 'koaá 'sín kitsjà kjohixi nga 'an isingatsja-na xá rakì. ⁴Ngaji, Tito, ra koni tsa i'ndí-na xin-la nga ngàsòn makjiín-ná a'ta 'tse Cristo, tísikásén-la xajon jè. Nainá ra Na'ín-ná ma ko jè Jesucristo ra tìjna ítjòn-ná katatsjà-la kjonda ko kjo'nchán ya ajin inìma-li.

Xá-la Tito ya ján nangi Creta

⁵Kíí xá ya isíkijna-la ján nangi Creta nga jì síkixiyi xá ra chija'ta-isa. 'Koaá tì'sín kítsja-la kjotéxoma nga kinchandi xita jchínga ra síkinda naxindá-la Nainá nga jngó jngó naxindá. ⁶Xita jchínga ra síhitjasòn xá, jñá-ní ra nda inchisíjchá ijo-la nga mì tsa yá ra 'cho tsò-la; ra jngo ma-ni chjoón-la. Ko jñà ixti-la machjeén-ní nga nda katakjiín-la a'ta 'tse Cristo. Mì kì nda tjin tsa yá ra kító-la nga kjoa 'tse isà'ndeé tjimajin ko nga mì ma-la 'nchréhijon. ⁷Jè xita ra síkinda naxindá-la Nainá ra xá-la Nainá síhitjasòn, machjeén-ní nga nda 'sijn, mé-ni nga mì yá ra 'cho kító-la. Mì kì tjinè-la nga 'nga ikon koma;

mì kì tǐjìnè-là nga taxkǐ kojti-là; nga xán kohijtakò; nga xǐta skajàn-ko; ko mì kì tǐj'nde tsa ton chijé kòtsjake. ⁸Ta isaá ndaa katasísin-là xǐta ra bijchójkon. Jé katamatsjake kjoa ra nda tǐjín. Indakjoa kát'té-là ikon. Kixǐ katijnako xǐta. Tsje katasíjchá ijo-là ya ngixkon Nainá; nda katasíkinda ijo-là nga mì taxkǐ 'siin. ⁹Nda kǐjón kátǐjín ikon 'én kixǐ koni 'sín ki'senajmí-là, mé-ni nga ko 'én nda ra bakón-ya koma kǐ'tin-ni xǐta nga 'nó kát'té-là ikon, tǐ'koaá koma siikixiya ra kondra fi-là jè ra kjohixǐ.

Kó'sín 'sín xǐta ra kǐ'íi 'sín tǐjín 'én ra bakón-ya

¹⁰Tà ngatǐ-là, tǐjín jchán xǐta ra tájajín tǐjín inìma-là nga bakón-ya 'én ra nímé chǐjǐ-là tǐ'koa kondacha-là xǐta ra kǐ'íi; jǐná kǐjón ra 'nó bínè-là xǐta ra kǐ'íi nga kjo'nó si'ta chiba ijo-là kjoa 'tse circuncisión. ¹¹Jǐná xǐta kǐ machjeén-là nga kǐchja'a, nga jǐná sískáya-là nga'tsì xǐta ra tǐtsajna nga jngó jngó ni'ya. Tà jé ra mejèn-là nga ta ton síchijé'ta-là xǐta nga kotǐjín 'én ra bakón-ya-là ra nímé chǐjǐ-là.

¹²Jngo xǐta chǐjine ra tiya-ni i'nde-là nangi Creta, 'koaá 'sín kitsò-là xǐta xákjén: “Jǐná xǐta Creta, xǐta ndiso-ní, xǐta 'tsen-ní koni tsa cho ijǐná, xǐta chrjá'a-ní, xǐta 'tsé-ní.” ¹³'Én kixǐ ra kiichja xǐta rakǐj; ra jǐ Tito, kǐ kó'sín tǐxian-la, 'nó tǐnákjoakǐ mé-ni nga nda kǐtsajna-ni koni 'sín makǐjín-là a'ta 'tse Cristo, ¹⁴ko mé-ni nga mì jǐná siisin-là kuendo ra nímé chǐjǐ-là ra fitǐjǐngi i'ka-là xǐta judío. Tǐ'koa mì jǐná siisin-là kjotéxoma-là xǐta ra mincha'taxìn-là ra kjohixǐ.

¹⁵Jǐná xǐta ra tsje tǐjín kǐjóbítsjen-là, tsjeé ma ijye-là nǐta mé-nioo. Tanga jǐná xǐta ra mì kì tsje tǐjín kǐjóbítsjen-là ko mì kǐ makǐjín-là a'ta 'tse Cristo, sabà tjé ma-là nǐta mé-nioo; skanda tjé tǐjín-te jè kǐjóbítsjen-là ko inìma-là. ¹⁶'Koaá 'sín tsò nga beé Nainá tanga jǐná kjoa ra 'sín, yaá bakón nga mì tsa kixǐ kjoa. Xǐta kǐi, 'nó 'cho 'sín, mì kì ma-là 'nchréhijon, tǐ'koa nì mé chǐjǐ-là, nga nijngo ma-là síhitjasòn xá ra nda tǐjóon.

Kjóbítsjen ra nda tǐjín takón-yi

2 ¹Ngaji, 'koaá 'sín tǐnákǐjǐ koni 'sín bakèn-là 'én nda ra jǐén bakon-yeé. ²Jǐná xǐta jchínga 'tse naxínda-là Nainá, indakjoa kata'sín; nda kata'yaxkón; nda kǐjóbítsjen kata'se-là; nda katitsajnakò kjoa ra makǐjín-là ko kjotsjacha-là, tse inìma

kata'se-la mé-ni chíkjoa-la kjohi'in. ³Jñà íchjín jchínga, 'koaá 'sín katasíjchá ijo-la koni xita-la Nainá. Kì xita chhajno-la. Kì xán báhihtako. Kíí katakón-ya kjoa ra nda tjín. ⁴'Koaá 'sín katakón-ya-la íchjín ra 'sa íxti, nga tsjake kata'sín 'xin-la, tí'koa tsjake kata'sín íxti-la. ⁵'Koa 'sín nda katakón-ya nga nda katasíjchá ijo-la; tsje katitsajnako ijo-la; nda katasíkinda ni'ya-la; nda xita katama; kata'nchréhijon-la 'xin-la; mé-ni nga mì yá ra kichhajno-ila 'én-la Nainá.

⁶'Koa tí'sín tinè-la jñà xita 'xin ra íxti-isa, nga nda katasíjchá ijo-la. ⁷Nita mé kjoa-ni ra tjín, jíí tjina ítjín nga nda 'tíin. 'Kia nga kokón-ya-la xita, kixi tikíjní kjobítsjen-li, 'én kixi tinákjii; ⁸nda tsò 'én ra tinákjii ra mì yá bachrjengi mé-ni 'kia nga kji'nchré-la jñà ra xita kondra, kosabá-la, nimé sakò-la ra 'cho kitsò-ná.

⁹Ko'tin-la jñà xita ra chí'nda títsajna'nño, nda katasíhitjasòn ijye-la ni-la, nda katasísin-la mé-ni nga tsja 'se-la, kì kjingí'a-jìn; ¹⁰kì síchijé'ta-la ni-la. Tà isaá nda kata'sín nga kata'ya-la nga xita kixi-ní. 'Koaá 'sín ske-ni xita ra k'íí nga nda tjín kjotéxoma-la Nainá ra bachrjekàjin-ná kjohi'in.

¹¹Nainá ijyeé tsakón kjonda-la nga nga'tsi xita ra tjín nga tjíjtsa isà'nde maá kitjokajin kjohi'in. ¹²Jè kjonda-la Nainá, 'koaá 'sín bakón-ya-ná nga mì tí kì ko'sín 'sian-ná nga mì ma-ná 'yaxkén Nainá, tí'koa mì tíjñà sisin-lá kjoa'cho ra síjé ijo-ná ra tjín isà'nde. 'Kia nga ijye kijmié kjoa kii, indakjoa síkíjneé kjobítsjen-ná, xita kixíí kameé, tí'koaá nda jchaxkén Nainá nichjín ra titsajneé 'ndi 'ndi. ¹³'Koaá 'sín 'sieén kjoa kii nga inchichiñá-lá kjonda ra 'nño nda tjín nga jcheé kjoajeya-la Jesucristo 'kia nga kitjojen india-ni. Jesucristo ra Nainá ra 'nño 'nga tjina ra bachrjekàjin-ná kjohi'in. ¹⁴Jè Jesucristo kitsjá ijo-la nga 'ken ngajo-ná. Jè tsikíchjítjì-ná mé-ni nga kítjokajin-ná nga'tsi kjoa 'tse jé ra itsabá'nño-ná tí'koa síitsje-ná nga ngi xita naxindá 'tse kameé. Ko ngi tjíjngo takén nga síhitjasén kjoa ra nda tjióon.

¹⁵'Koaá 'sín takón-yi, tí'koa tí'tin xita. 'Nño tinákjoakii koni 'sín tjí'nde-li nga kotexomi. Kì yá ra bachrjengi-li.

Nda síhitjasén jñà 'én ra makjii-ná

3 ¹Tíkítsjen-la nga katabexkón ra xitaxá títsajna ko nga'tsi ra kjotéxoma tjíya tsja, nda kata'nchréhijon-la.

Katasíhitjasòn nga'tsì xá ra nda t́jín. ²Ko'tìn-là kì x̄ta chjajno-là; kì x̄ta kjaán-ko; kjonda-ní ra kata'sín, ngi indakjoá katasíko nga'tsì x̄ta.

³Nga t̄i'koaá jién, nga t̄i'sá kjoťseé, mì kì mé machiya-ná. Mì kì ma-ná na'yáhijeén. Xín ndiyá tsikimayeé. J̄ná k̄i'nié nga'tsì kjoa ra 'cho t́jín koni 'sín síjé ijo-ná ko kjoa ra sasén-là. Yaá tsikítsajnajieén kjoa'cho ko kjoťtakòn. Tsakén-ná nga isíjtike-ná x̄ta ko t̄i'koaá jién inijtichaá-teé xàngieé. ⁴Tanga Nainá ra bachrjekàjin-ná kjohi'in, 'kia nga tsakón kjonda-là ko kjoťsjacha-là a'ta 'tse x̄ta, ⁵tsachrjekàjin-ná kjohi'in. Mì tsa ki-ni nga kixi k̄i'nié. Ta ki-ní nga kjòhìmake-ná. 'Kia nga isítsje inìma-ná, kitsin x̄tseé india-ná ko jé Inìma Tsje-là Nainá isìx̄tseya-ná. ⁶Nainá 'nó nda isíkíjnain ya inìma-ná jè Inìma Tsje-là ra a'ta 'tse Jesucristo ra bachrjekàjin-ná kjohi'in. ⁷'Kia nga ijye isìkixiya-ná kjonda-là Nainá, 'koaá 'sín k̄itsajneé nga inchichiñá-lá ko t́jín goó takén nga jè inìma-ná 'seé-là kjòbinachon ra mì fehe'ta, ra t̄jábé-ná tà ngat̄jì-là ixti-là Nainá 'mì-ná.

⁸'Èn k̄i, ngi 'én kixi-ní. 'Koaá 'sín mejèn-na nga 'nó tinè-là x̄ta, mé-ni j̄ná x̄ta ra makj̄iín-là a'ta 'tse Nainá nda katasísìn-là kjoa ra nda t́jín. Kjoa k̄i 'nó nda t́jín; machjeén-là nga'tsì x̄ta. ⁹Tanga kì j̄ná nisin-là kjoa ra nìmé síchiya-ná ko kjoa ra 'tse x̄ta jchínga kjoťseé ra mì tsa kixi kjoa. Kì kjosi nisin-là ko kjoa ra chitiya-ná 'tse kjoťéxoma-là Moisés. Kjoa k̄i, mì kì machjeén, nìmé chjì-là.

¹⁰Jè x̄ta ra nax̄indá-là Cristo mejèn-là s̄iìjòya, t̄inákjoa 'taxìn jò jàn 'ka-là. Tsa mì kì k̄jì'nchréhiyon-li, t̄ináchrjekajin ya nax̄indá-là Nainá. ¹¹Jì, ijyeé 'yi nga jè x̄ta rak̄i, ijyeé itsón kjòbtsjen-là. 'Choó t̄i'sín. Jé t̄ibánè-là ijo-là.

'Èn ra tsjá-là jè Tito jè Pablo ra fehe'ta-ni

¹²'Kia nga sikásén-la Artemas ko ñá tsa jè Tíquico, t̄ixátíyi nga nchrabájchon-ná ya Nicópolis. Ijyeé ko'sín ískosòn-là, nga yaá kót̄ijna 'kia nga n̄ichjin cho 'nchán. ¹³T̄is̄ik̄i Zenas, jè ra nda be kjoťéxoma, ko Apolos; 't̄i-là mé ra machjeén-là mé-ni nga koma k̄ij̄i-ni ñándà nga inchifì, nga nìmé ra s̄iìjchija'ta-là. ¹⁴J̄ná ra x̄ta tsajién, 'koaá t̄i'sín katama-là kjoa ra nda t́jín, nga katasíko x̄ta tsa mé ra chija'ta-là, mé-ni nga

nda katasíchjeén-ni nichjin ra tí'bì-là nga kátíjna jngo kjoa ra chjí-là.

Kjoa ñihixo'ta ra fehe'ta-ni

¹⁵Nga'tsì xitá ra ñ títajnako-na tísíhixo'tà-li. Tí'koaá tihixo'ti ijyi jñà ra matsjake-ná nga ngásòn makjiín-ná a'ta 'tse Cristo. Kjonda-là Nainá katijnako-no nga'tsì-no. Ko'sín katama.